

Fundur stjórnar Markaðsstofu Norðurlands

kl. 11:00 þriðjudaginn 4. maí 2021, Teams fundur

Mættir stjórnarmenn: Viggó Jónsson formaður, Sigrún Hulda Sigmundsdóttir, Steinunn Heba Finnsdóttir, Örn Arnarson, Þórdís Bjarnadóttir og Tómas Árdal varamaður.
Áheyrnarfulltrúar: Álfhildur Leifsdóttir SSNV og Hilda Jana Gísladóttir SSNE
Starfsmenn: Arnheiður Jóhannsdóttir framkvæmdastjóri og Hjalti Páll Þórarinsson

Formaður setti fund og fól framkvæmdastjóra að ganga til dagskrár.

Dagskrá:

Vörður – Merkisstaðir Íslands

Framkvæmdastjóri kynnti verkefnið Vörðu – merkisstaði Íslands. Þetta er verkefni sem Atvinnuvega- og nýsköpunarráðuneyti og umhverfis- og auðlindaráðuneytið komu fram með nýlega og ráðherra ferðamála kynnti sem nýja heildstæða nálgun á áfangastaðastjórnun. Verkefnið hefur hlotið bæði athygli og gagnrýni fyrir að staðirnir sem urðu fyrir valinu til þess að verða Vörður, eru allar á Suðurlandi. Jafnframt vekur athygli að hvorki áfangastaðastofur landsins, Íslandsstofa né Ferðamálastofa höfðu nokkra aðkomu að, eða upplýsingar um þetta verkefni fyrr en það var kynnt.

Umræður um verkefnið.

Stjórn hefur, í ljósi nýkynntra áforma um verkefni um Vörður, verulegar áhyggur af óljósri aðgerðaáætlun ANR varðandi dreifingu ferðamanna um allt land. Stjórn furðar sig jafnframt á, og gerir verulegar athugasemdir við skort á samráði við áfangastaðastofur og aðra hlutaðeigandi aðila við vinnslu verkefnisins. Stjórn gerir þá kröfu á ráðuneyti ferðamála að Vörður verði settar í öllum landshlutum. Stjórn mun jafnframt óska eftir fundi með ráðherra ferðamála við fyrsta tækifæri til að ræða þessi mál.

Flugklasinn, fjármagn frá ANR

Verkefnastjóri kynnti drög að nýjum samningi ANR við MN vegna stuðnings við Flugklasans, en verulega er verið að draga úr framlögum ANR til hans (8 milljónir í stað 20 milljóna).

Önnur mál

Framkvæmdastjóri gerði grein fyrir undirbúningi fyrir aðalfund, sem mun fara fram þann 11. maí n.k.

Fleira ekki rætt og formaður sleit fundi kl 12:15

Fundarritari HPP